

摘藻堂四庫全書薈要

集部

欽定四庫全書薈要卷一萬六千一百六

集部

湛然居士集卷四

元 耶律楚材 撰

和呂飛卿韻

再用韻贈連國華

謝飛卿飯

再用韻紀西遊事

再用韻贈搏霄

再用韻謝非熊名飯

再用韻唱玄

再用韻

和搏霄韻代水陸疏文因其韻為十詩

寄賈搏霄乞馬乳

謝馬乳復用韻二首

贈搏霄筆

再用韻寄搏霄二首

再用韻別非熊

愛子金柱索詩

贈賈非熊搏霄

和李振之二首

非熊兄弟餞予之燕再用振之韻

和連國華三首

連國華餞予出天山因用韻

還燕和吳德明

又和橙子梅韻

和竹林一禪師韻

西菴上人住夏禁足以詩戲之

送韓浩然用馬朝卿韻

戊子喜雨用馬朝卿韻二首

戊子餞非熊仍以呂望磻溪圖為贈

和宋子玉韻

和李邦瑞韻二首

和李邦瑞韻送奉使之江表

和王正之韻三首

祝忘憂居士壽

蠟梅二首

謝禪師公寄閭山紫玉

和鄭壽之韻

寄沙井劉子春

和琴士苗蘭韻

和人韻二首

和武川嚴亞之見寄五首

已丑過雞鳴山

寄天山周敬之

邦瑞乞訪親因用其韻

和李邦瑞韻

和呂飛卿韻

舊說飛卿詞翰全風神渾似晉名賢吟詩較子三十里  
押韻翰君一着先筆迹查牙森似戟詞源浩汗注如川

好詩好字獨予得准備  
攜將帝里傳

再用韻贈連國華

學道宗儒難兩全  
湛然深許國華賢  
儒門已悟如心恕  
道藏能窮象帝先  
似海詞源涵萬水  
如鯨飲量吸長川  
而今一識君侯面  
始信清名不浪傳

謝飛卿飯

一鞭羸馬渡天山  
偶到雲川暫解鞍  
獨守空房方丈穩  
更無薄酒一杯殘  
詩書半蠹絕來客  
釜甑生塵笑冷官



賴有覺非

飛卿道號

憐野拙長鬚為我饋盤餐

再用韻紀西遊事

河中

西域尋思子城西遠目為河中府

花木蔽春山爛賞東風縱寶鞍

留得晚瓜過臘半藏來秋果到春殘親嘗芭欖寧論價  
自釀蒲萄不納官常歎不才還有幸滯留遐域得佳餐

再用韻贈搏霄

以搏霄戒肉罷鷹犬故以是詩美之

凜凜風神白玉山罷遊鷹犬逞金鞍瑤琴高臥么絃絕  
犧易頻翻斷簡殘息念如僧還有髮忘形見客似無官

伽陀誦罷爐薰冷一鉢蔬羹當曉餐

再用韻謝非熊名飯

行盡遐陬萬里山十年飄泊困征鞍  
春風燕語歸心切夜月猿啼客夢殘  
聖世因時行夏正愚臣掌數媿春官  
誰知賢帥開青眼掃洒西菴召我餐

再用韻唱立

藤條擊破鐵圍山倒跨白牛不鞴鞍  
講疏僧歸經卷亂坐禪人起佛燈殘  
為學未必如為道選佛從教勝選官

百事湛然都不念，祇知渴飲與饑餐。

再用韻

雲山疊疊復雲山，瘦馬蒲鞭矮面鞍。  
瀚海去程千驛遠，揚州歸夢五更殘。  
塵緣淡處應忘世，逸興濃時好解官。  
二頃良田何必覓，春山笋蕨亦供餐。

和搏霄韻代水陸疏文因其韻為十詩

資生無畏濟人深，便見能仁六度心。  
塵世捐財矜苦厄，寒林洒飯拔幽沉。  
既臨巨海鈎神物，試叩洪鐘伺好音。

今日湛然攀舊例珠纓休惜掛祇林

其二

新朝威德感人深渴望雲霓四海心東夏再降烽火滅  
西門一戰塞烟沉顛觀頌朔施仁政竚待更元布德音  
好放湛然雲水去廟堂英俊政如林

其三

論道西庵愛慕深推誠片片露丹心瑤琴莫撫相如引  
寶鼎休焚韓壽沉花氣渾如三角串松風全似五絃音

清談終日忘歸思不覺昏鴉噪晚林

其四

五派分流道愈深塵中誰識本來心  
穿心土椀元無漏沒底膠船却不沉  
山色水光呈妙相鳥啼猿嘯露圓音  
雲霞活計無求飽何事狂童作肉林

狂童一作獨夫

其五

前生未了妄緣深薄宦相縈負夙心  
只見淵明能印棄誰知居士解舟沉  
窮通榮辱皆真夢毀譽稱譏盡假音

中隱冷官閑况味歸心無日不山林

其六

居士才微學未深靜思寧不媿中心難忘北海千鍾酒  
虛負西庵一炷沉綺語傲頻賡險韻瑤琴學步鼓純音  
此番公案休拈出祇恐相傳入笑林

其七

新詩效玉起予深獨有搏霄我許心真迹居塵聊俯仰  
高名與世任浮沉同成雅會清茶話共賞枯桐白雪音

他日歸休約何處燕山參謁萬松林

其八

賢帥文章蘊藉深雲川傾蓋便同心  
掀髯談道檠燈炮  
抵足論文塞月沉  
有眼句中君得意  
無絃琴上我知音  
沉舟誤捉波中月  
莫學當年李翰林

其九

浪迹西遊歲月深  
臨風誰識湛然心  
斯文將喪儒風歇  
真智難明佛日沉  
佳茗暫嘗轟雪浪  
正聲聊作鼓雷音

年來逸興十分切準備求真入道林

其十

漁磯舊隱荻花深塵世寧忘昔日心  
兩岸清風單舸穩  
滿江明月一鉤沉  
饑來煮稻無兼味  
醉後鳴榔笑五音  
閑臥煙蓑春夢斷  
不知潮起沒青林

寄賈搏霄乞馬乳

天馬西來釀玉漿  
革囊傾處酒微香  
長沙莫吝西江水  
文舉休空北海觴  
淺白痛思瓊液冷  
微甘酷愛蔗漿涼



茂陵要洒塵心渴願得朝朝賜我嘗

謝馬乳復用韻二首

生涯簞食與壺漿空憶朝回衣惹香筆去餘才猶可賦  
酒來多病不能觴松窓雨細琴書潤槐館風微枕簟涼  
正與文君謀此渴長沙美漣送予嘗

其二

肉食從容飲酪漿辛酸滑膩更甘香革囊旋造逡巡酒  
樺器頻傾潑灑觴頓解老饑能飽滿偏消煩渴變清涼

長沙嚴令君知否只許詩人合得嘗

贈搏霄筆

一札霜毫綴上枝管城家世出東涯

遼東筆

鋒端有口能

談景紙上無聲解寫詩免向江淹求彩筆莫學班氏棄  
毛錐贈君聊助文房用賦就離騷寄我知

再用韻寄搏霄二首

玉三堂堂紫桂枝雲川中隱寓天涯風神蕭散能談道  
格調清新解作詩鄙論我甘蒙醬予作辨邪論雄才  
搏霄嘗讀之

君已露囊錐澄澄胸次人誰識祇有清風明月知

其二

斫倒霜筠節外枝誰言法界有邊涯筌蹄意盡閑周易  
脂粉情忘束詁詩去歲生涯猶說劍今年活計更捐錐  
威音那畔真消息試問瞿曇也不知

再用韻別非熊

靈木垂芳桂兩枝非熊佳譽動西涯倦聽琴阮嫌狂客  
飽看經書厭小詩成德羨君垂竹帛虛名嗟我類刀錐

會難別易堪惆悵何日重來誰得知

愛子金柱索詩

文獻陰功絕比倫  
昆蟲草木盡承恩  
我為北闕十年客  
汝是東丹九世孫  
致主澤民宜務本  
讀書學道好窮源  
他時輔翼英雄主  
珥筆承明策萬言

贈賈非熊搏霄

二陸尊賢擅美聲  
月評難弟亦難兄  
西庵揮麈談三界  
北觀携琴論五行  
休道酒仙無太白  
須知詩伯有飛卿

奇人輻輳君門下占斷西州好士名

和李振之二首

半紙功名未可呈無心何處不安生十年滄海塵空起  
百歲黃梁夢乍驚舊徑既荒松菊在丹誠不變鬢髯更  
年來漸有昇平望每恨栖雞半夜鳴

其二

酷憶遙山寸碧呈歸耕何日樂餘生蠅營得失都無念  
狗苟榮枯總若驚客夢覺來家萬里聲詩吟罷月三更

溟鵬本有衝天志直待三年再一鳴

非熊兄弟餞予之燕再用振之韻

藝逢知己敢相呈幾夜論文喜氣生  
筆陣我甘三舍退詩壇君使四筵驚  
公初傾蓋冬將半予擬乘輶歲欲更  
特與幽人助行色一聲寒角隔烟鳴

和連國華三首

歲月如流走兔烏求真可惜費功夫  
深源到底忘根柢至道原來貴拙愚  
真理不空宜具眼太虛無面莫添鬚

直須穩生長安好切忌途中認畫圖

其二

安得長繩繫日烏天涯老却舊耕夫  
林泉放曠輸君樂沙漠淹留笑我愚  
虎戰每驚涉虎尾龍飛不得採龍鬚  
文章畢竟成何事富貴元知不可圖

其三

月上南枝啼夜烏悲歌彈鋏嘆征夫  
愁邊逐日看周易夢裏隨風謁太愚  
縱有征塵遮兩眼却無慚色上三鬚

真人已應千年運佇待河清再出圖

連國華餞予出天山因用韻

十年不得舞衣斑一憶江南膽欲寒  
黃犬候來秋自老白雲望斷信何難  
軍中得句常橫槊客裏傷心每據鞍  
遊子未歸情幾許天山風雪正漫漫

還燕和吳德明

紛紛世態眩榮華靜裏乾坤本不譁  
琴阮生涯聊自適詩書事業更何加  
但期聖德澤天下敢惜餘生寄海涯



可笑燕然舊遊客倚樓悲我客程賒

又和橙子梅韻

可笑人心自短長誰知箇事不囊藏化成橙子舌耽味  
幻作梅英鼻覺香金卵似真隨變滅冰魂元假却芬芳  
唯心識破同根旨何必臨風再舉觴

和竹林一禪師韻

富貴無心羨五侯隨時俯仰浪西遊斷無事業流千古  
靜看英雄混九州白鴈縱傳遐域信黃華却負故園秋

蒼生未濟歸何益一見吾山一度羞

西菴上人住夏禁足以詩戲之

觸處無非選佛堂

一作都盧只是一禪牀

東風何處避春光鄙人

無足克干界大地絕塵塞四方舉步踢翻滄海月轉身  
踏破白雲鄉快須擊碎閑家具說與西菴笑一場

送韓浩然用馬朝卿韻

開懷樽俎笑談傾未暇論文君已行富貴塗亨渠易致  
詩篇韻險我難賡已成傾蓋金蘭友安用沾襟兒女情

准擬秋深逐歸騎一尊濁酒遠相迎

戊子喜雨用馬朝卿韻二首

酷暑炎炎正不禁一聲雷震釀輕陰救回南畝十分旱  
變作西郊三日霖遍野桑疇青幄密連天麥隴綠雲深  
王孫喜雨登樓宴貫酒黃壚解帶金

其二

生死輪迴苦莫禁不如學道惜分陰船乘沒底聊相渡  
雲出無心強作霖不死鄉中靈艸異長生劫外紫雲深

茅山道士真堪笑，虛費工夫煉五金。

戊子餞非熊，仍以呂望磻溪圖為贈。

昨夜白麻降日邊，文章領袖遠朝天。  
遙思御座分香賜，更想龍庭命席前。  
白面書生酬夙志，黑頭邊帥領新權。  
非熊應笑非熊老，八十猶然釣渭川。

和宋子玉韻

勇將謀臣滿玉京，吾儕袖手待昇平。  
荆榛至道常嗟我，柱石中原豈捨卿。  
日下有人叨肉食，雲中高士振詩鳴。

思君興味如梅渴海印

子玉道號也

那能識此情

和李邦瑞韻二首

隴右竒才冠士林萬言良策起予深澤民致主傾丹懇  
邀利沽名匪素心我伴簿書無好思君陪風月有閒吟  
他年共約林泉下茅屋松窓品正音

其二

謝君千里遠相尋傾蓋交歡氣義深筆硯生涯

一作書劍因緣

又作鐵石肝腸

無異志金蘭氣味本同心揮毫解賦登高句緩

軫能彈對竹琴此去鱗鴻知有便臨風無吝寄芳音

和邦瑞韻送奉使之江表

駟騎翩翩出玉京金符一插照人明莫忘北闕龍飛志  
要識南陔鵠舌情布袖來朝無騎乘錦衣歸去不徒行  
昇仙橋畔增春色郡守傳呼接長卿

和王正之韻三首

洪才碩德兩相宜雅操真堪據鳳池富貴未終隨夢變  
功名何在值時危竒辭解吐萬言策敏思能吟七步詩但

金史四庫全書  
卷四  
倩東風輕着力摩天鵬翼若雲垂

其二

自慚不解告嘉謨十載韜藏僻一隅  
巨海洪深容棄物  
新朝寬厚用愚夫亨時佳會千年少  
聖主雄才萬代無  
文揚規模皆法古佇看明詔起真儒

其三

皇天輔德本無親樂道奚憂甑滿塵  
道泰小人當屏斥  
時屯君子自經綸浮雲富貴元千變  
昨夢繁華得幾春

遇不遇兮皆是命吾儕休羨錦衣新

楞嚴經云生死涅槃都如昨夢

祝忘憂居士壽

酷似燕山竇十郎靈椿初老桂枝芳  
兩朝厚遇垂千稔一日清名滿四方  
玉珮丁東照蘭省斑衣搖曳悅萱堂  
他年叅到平常處便是長生不老鄉

臘梅二首

越嶺仙姿迥異常洞庭春染六銖裳  
枝橫碧玉天然瘦蕾破黃金分外香  
反笑素英渾淡抹却嫌紅艷太濃粧



臨風浥此薔薇露醉墨淋漓寄渺茫

其二

冰姿夢裏慕姚黃滴蠟凝酥別樣粧  
生妬白紅太濃淡懶施朱粉自芬芳  
寒英深染薔薇露冷艷微薰篤耨香  
受用清絕恣吟遠惜花一念未全忘

謝禪師公寄閭山紫玉

方外閒人天一隅因風寄我紫雲腴  
起予妙理欺歡伯滌我枯腸壓酪奴  
琥珀精神渾彷彿葡萄滋味較鉛銖

禪師遠棄桃源路日日尋山摘此無

和鄭壽之韻

聖主龍飛日月新  
微才忝預股肱臣  
財已阜錢如水  
驛騎長閑塞不塵  
威鎮西陲輸定遠  
宴開東閣慕平津  
何時收拾琴書去  
林下衣冠作舜民

寄沙井劉子春

寄語沙城老故人  
別來贏得鬢邊塵  
馬蹄踏破關中月  
新句吟空河表春  
名利相縈余有歎  
琴書自樂子非貧

何時策杖君家去再試淵明漉酒巾

和琴士苗蘭韻

徒步南來愛陸機公餘邂逅似相期高山韻吼千崑木  
流水聲號半夜陂聖德宛如歌治化南風猶似撫瘡痍  
曲終聲散無人會撩我高吟一首詩

和人韻二首

西域諸蕃古未知來王遠過禹封畿名山准擬金泥檢  
古塞無勞羽檄飛世樂詎能敵靜樂蓑衣到底勝朝衣

年來痛憶閭山景月照茅亭水一圍

其二

干戈未斂我傷神自恨虛名誤此身  
否德詎能師百辟微才安可步三辰  
箕裘漫嘆青氈舊勲業空驚白髮新  
安得夔龍立廊廟扶持堯舜濟斯民

和武川嚴亞之見寄五首

當年西域未知名四海無人識晉卿  
扈從鑿輿三萬里謀謨鳳閣九重城  
衣冠異域真余志禮樂中原乃我榮

何日功成歸舊隱五湖煙浪樂餘生

其二

亞之平水久馳名

亞之本絳陽人今寓居武川訓童為生

壯歲題橋慕長

卿厭世德風如偃草驚人詩價比連城功名未立不為  
嫌仁義能行亦足榮此理幽微人不識莫言儒道拙謀  
生

其三

今年又得亞之詩每嘆風雲會遇遲拙運且淹童子役

雄才宜作帝王師  
羨君筆下揮千字  
知子胸中蘊六奇  
靜對西風和新句  
淒然南望動深思

其四

誤忝綸恩斗印懸  
之才羞到玉墀前  
劾姦封事夢猶諍  
許國忠誠老益堅  
仁政發從天北畔  
捷音來自海西邊  
從今率土霑王化  
禮樂車書共一天

其五

寥落龍沙寄此生  
情鍾我輩豈無情  
參商管鮑賢朋友

南北機雲好弟兄  
蓮葉飄香思晚浦  
梅花飛雪夢春城  
故園日夜歸心切  
未濟斯民不敢行

己丑過雞鳴山

三年四度過雞鳴  
我僕徘徊馬倦登  
寂寞柴門空有舍  
蕭條山寺靜無聲  
殘花濺淚千程別  
啼鳥傷心百感生  
今古興亡都莫問  
穹廬高臥醉騰騰

寄天山周敬之

當年傾蓋識君初  
爛飲天山駐使車  
秋去安仁空有賦

鴈來公瑾又無書  
林巒紅葉如人老  
籬落黃華亦我疎  
為向天涯道岑寂  
強吟新句附雙魚

邦瑞乞訪親因用其韻

干戈擾擾戰交侵  
一紙安書直萬金  
兄子生還愁未解  
萱堂仙去恨尤深  
涕零倚木西風怨  
腸斷聞鈴夜雨淋  
養老送終真有憾  
號天如割望雲心

和李邦瑞韻

趙老名言本兩忘  
庭前空有栢蒼蒼  
西江吸盡慵開口



北載添來亦括囊  
明月清風何所礙  
落花流水不相妨  
須知居士元無病  
底用千年舊藥方

湛然居士集卷四

欽定四庫全書薈要卷一萬六千一百七

集部

湛然居士集卷五

元 耶律楚材

撰

贈富察元帥七首

庚辰西域清明

用益政姚德寬韻

用照禪師韻二首

和薛正之見寄

乞扇

壬午西域河中遊春十首

遊河中西園和王君玉韻四首

河中遊西園四首

河中春遊有感五首

過閭居河四首

感事四首

壬午元旦二首

過沁園有感

用劉正叔韻

西域家人輩釀酒戲書屋壁

西域從王君玉乞茶因其韻七首

和冲霄韻五首

又一首

和冲霄十月桃花韻二首

和薛正之韻

贈富察元帥七首

閒騎白馬思無窮來訪西城綠髮翁元老規模妙天下

錦城風景壓河中  
花開把攬芙蓉葉  
淡酒泛蒲萄  
琥珀濃  
痛飲且圖容易醉  
欲憑春夢到盧龍

其二

積年飄泊困邊塵  
閒過西隅謁故人  
忙喚賢姬尋器皿  
更呼遼客奏箏箏  
葡萄架底葡萄酒  
把攬花前把攬仁  
酒釀花繁正如許  
莫教辜負錦城春

其三

主人知我怯金觴  
特為先生一改堂  
細切黃橙調蜜煎

重羅白餅糝糖霜  
幾盤綠橘分金縷  
一碗清茶點玉香  
明日辭君向東去  
這些風味幾時忘

其四

使君排飭宴南溪  
不枉從君烏鼠西  
春酒屢澆濃鹿尾  
臘糟微浸軟駝蹄  
絲絲魚膾明如玉  
屑屑雞腥爛似泥  
白面書生知此味  
從今更不嗜黃虀

其五

筵前且盡主人心  
明燭厭厭飲夜深  
素袖佳人學漢舞

碧髯官伎撥胡琴輕分茶浪飛香雪旋劈橙盃破軟金五  
夜歡心猶未已從教斜月下疎林

其六

主人開宴醉華胥一派絲篁沸九衢黯紫葡萄垂馬乳  
輕黃把攬燦牛酥金波泛蟻斟歡伯雪浪浮花點酪奴  
忙裏偷閒誰若此西行萬里亦良圖

其七

閒來羸馬過蒲華又到西陽太守家瑪瑙瓶中簪亂錦

琉璃鍾裏泛流霞  
品嘗春色批金橘  
受用秋香割木瓜  
此日幽歡非易得  
何妨終老住流沙

庚辰西域清明

清明時節過邊城  
遠客臨風幾許情  
野鳥間闌難解語  
山花爛熳不知名  
蒲萄酒熟愁腸亂  
瑪瑙盃寒醉眼明  
遙想故園今好在  
梨花深院鷓鴣聲

用鹽政姚德寬韻

乃祖開元柱石臣  
雲孫髣髴玉麒麟  
從來德爨輿人口



此日恩霑聖世春  
欲草薦書學北海  
未開東閣愧平津  
而今且試調羹手  
佇看沙堤繼舊塵

用照禪師韻二首

銀鈎全似趙周臣  
詩比黃華格調新  
道眼點開言外句  
禪心說破劫前春  
山中跛挈無為客  
林下逍遙自在人  
不犯清波垂釣處  
卧龍隨手出龍津

其二

聖德洋洋雨露零  
蟲魚草木總歡榮  
妖氛斂禍堯風

扇外道消聲佛日明

和薛正之見寄

賢臣聖主正時遭  
建策龍廷莫憚勞  
大壑波深翻巨鯉  
高空風順遇鴻毛  
一番制度新才術  
百代文章舊雅騷  
勉力自強宜不息  
功名何啻泰山高

乞扇

屈絢圓裁白玉盤  
幽人自剪素琅玕  
全勝織女絞綃帕  
高出湘妃玳瑁斑  
座上清風香細細  
懷中明月淨團團

願祈數柄分居士顛倒陰陽九夏寒

壬午西域河中遊春十首

幽人呼我出東城信馬尋芳莫問程  
春色未知華藏富湖光不似道心明  
土牀設饌談玄旨石鼎烹茶唱道情  
世路崎嶇太尖險隨高逐下坦然平

其二

三年春色過邊城萍跡東歸未有程  
細細和風紅杏落涓涓流水碧湖明  
花林啜茗添幽興綠野觀耕稱野情

何日要荒同入貢  
普天鐘鼓樂清平

其三

春雁樓邊三兩聲  
東天回首望歸程  
山青水碧傷心切  
李白桃紅照眼明  
幾樹綠楊搖客恨  
一川芳草惹幽情  
天兵幾日歸東闕  
萬國歡聲賀太平

其四

河中二月好踏青  
且莫臨風嘆客程  
溪畔數枝繁杏淺  
牆頭千點小桃明  
誰知西域逢佳境  
始信東君不世情

圓沼方池三百所澄澄春水一時平

其五

二月河中草木青芳菲次第有期程  
花藏徑畔春泉碧雲散林梢晚照明  
含笑山桃還似識相親水鳥自忘情  
遐方且喜豐年兆萬頃青青麥浪平

其六

異域春郊草又青故園東望遠千程  
臨池嫩柳千絲碧倚檻天桃幾點明  
丹杏笑風真有意白雲送雨太無情

歸來不識河中道春水潺潺滿路平

其七

四海從來皆弟兄西行誰復嘆行程既蒙傾蓋心相許  
得遇知音眼便明金玉滿堂違素志雲霞千頃適高情  
廟堂自有夔龍在安用微生措治平

其八

寓跡塵埃且樂生垂天六翮斂鵬程無緣未得風雲會  
有幸能瞻日月明出處隨時全道用窮通逐勢嘆人情

憑誰為發豐城劍一掃妖氛四海平

其九

不如歸去樂餘生百歲光陰有幾程  
文史三冬輸曼倩  
田園二頃憶淵明  
賓朋冷落絕交分  
親戚團圞說話情  
植杖耘耔聊自適  
笑觀南畝綠雲平

其十

衰翁老矣倦功名  
繁簡行軍笑李程  
牛糞火然石坑暖  
蛾連紙破瓦窻明  
水中漉月消三毒  
火裏生蓮屏六情

野老不知天子力謳歌鼓腹慶昇平

遊河中西園和王君玉韻四首

萬里東皇不失期園林春老我來遲漫天柳絮將飛日  
遍地梨花半謝時異域風光特秀麗幽人佳句自清奇  
臨風暢飲題玄語方信無為無不為

其二

清明出郭赴幽期千里江山麗日遲花葉不飛風定後  
香塵微斂雨餘時彫鐫冰玉詩尤健揮掃龍蛇字愈奇



好字好詩獨我得不來  
賡和擬胡為

其三

異域逢君本不期  
湛然深恨識君遲  
清詩壓世光千古  
逸筆驚人自一時  
字老本來遵雅淡  
吟成元不尚新奇  
出倫詩筆服君妙  
笑我區區亦強為

其四

風雲佳遇未能期  
自是魚龍上釣遲  
崑穴潛藏難遯世  
塵囂俯仰且隨時  
百年富貴真堪嘆  
半紙功名未足奇

伴我琴書聊自適生涯此外更何為

河中遊西園四首

河中春晚我邀賓詩滿雲箋酒滿巡對景怕看紅日暮  
臨池羞照白頭新柳添翠色侵陵草花落餘香索莫人  
且著新詩與芳酒西園佳處送殘春

其二

河中風物出乎倫閒命金蘭玉笋巡半笑梨花瓊臉嫩  
輕顰楊柳翠眉新啣泥紫燕先迎客偷藥黃蜂遠趁人

日日西園尋勝槩莫教辜負客城春

其三

幾年萍梗困邊城閒步西園試一巡  
圓沼映空明鏡瑩  
芳莎藉地翠茵新  
幽禽有意如留客  
野卉多情解笑人  
屈指知音今有幾  
與誰同享瓮頭春

其四

金鼓鑾輿出隴秦  
驅馳八駿又西巡  
千年際遇風雲會  
一代規模宇宙新  
西域兵來擒僞主  
東山詔下起幽人

股肱元首明良世高拱垂衣壽萬春

河中春遊有感五首

西河

尋斯干有西戎梭里檀故宮在焉

構室未全終又見頽垣遠故壙

綠苑連延花萬樹碧堤回曲水千重不圖舌鼓談非馬

甘分躬耕學卧龍糲食麤衣聊自足登高舒嘯樂吾慵

其二

異域河中春欲終園林深密鎖頽墉東山雨過空青疊  
西苑花殘亂翠重杞欒碧枝初着子葡萄綠架已纏龍

等閑春晚芳菲歇  
葉底翩翩困蝶慵

其三

坎止流行以待終  
幽人射隼上高墉  
窮通世路元多事  
難險機關有幾重  
百尺蒼枝藏病鶴  
三冬蟄窟閉潛龍  
琴書便結忘言友  
治圃耘蔬自養慵

其四

西域渠魁運已終  
天兵所指破金墉  
崇朝駟騎馳千里  
一夜捷書奏九重  
鞭策不須施犬馬  
廟堂良算足夔龍

北窓高卧薰風裏儘任他人笑我慵

其五

重玄叩擊數年終大道難窺萬仞壟舊信不來青鳥遠  
故山猶憶白雲重自知勲業輸雛鳳且學心神似老龍  
忙裏偷閒誰似我兵戈橫蕩得踈慵

過閭居河四首

河水春盡水無聲靠岸釣魚羨  
擊水乍遠南州如夢蝶  
暫遊北海若飛鵬  
隋堤柳絮風何處  
越嶺梅花信莫憑

試暫停鞭望西北迎風羸馬不堪乘

其二

北方寒凜古來稱親見陰山凍鼠冰戰鬪  
簷楹翻鐵馬窮通碁勢變金鵬五車經史都無用  
一鶚書章誰可憑安得衝天暢予志雲輿六馭信風乘

其三

一聖龍飛德足稱其亡凜凜涉春水千山風烈來從虎  
萬里雲垂看舉鵬堯舜徽猷無闕失良平妙筭足依憑

華夷一混非多日浮海長桴未可乘

其四

自愧聲名無可稱賢愚混世定和冰竊鹽倉鼠初成蝠  
噴浪溟鯤未化鵬賣劍學耕食粗遣買山歸老價難憑  
秋江月滿西風軟何日扁舟獨自乘

感事四首

富貴榮華若聚漚浮生渾似水東流仁人短命嗟顏氏  
君子懷疾嘆伯牛未得鳴珂遊帝闕何能騎鶴上揚州



幾時擺脫閒韉鎖  
笑傲烟霞永自由

其二

當年元擬得封侯  
一誤儒冠入士流  
赫赫鳳鸞捐腐鼠  
區區蠻觸戰蝸牛  
未能離欲超三界  
必用麾旄混九州  
致主澤民元素志  
陳書自薦我無由

其三

得不欣欣失不憂  
依然不改舊風流  
深藏鳳壁毋投鼠  
好蓄龍泉候買牛  
山寺幽居思少室  
梅花歸夢遶揚州

萱堂溫清十年闕負米供親愧仲由

其四

人不知予我不尤濯纓何必揀清流良材未試聊耽酒  
利器深藏俟割牛舊政欲傳新令尹新朝不識舊荊州  
眉山云邁歸商路痛和新詩寄子由

壬午元旦二首

西域風光換東方音問踈屠蘇聊復飲鬱壘不須書舊  
歲昨宵盡新年此日初客中今十載孀母信何如

其二

萬里西征出玉關詩無佳思酒瓶乾  
蕭條異域年初換  
坎坷窮途臘已殘  
身過碧雲遊極樂  
手遮東日望長安  
年光迅速如流水  
不管詩人兩鬢班

過沁園有感

昔年曾賞沁園春  
今日重來迹已陳  
水外無心修竹古  
雪中含恨瘦梅新  
垣頽月榭經兵火  
草沒詩碑覆劫塵  
羞對覃懷昔時月  
多情依舊照行人

用劉正叔韻

參叩松軒積有年，光塵融洩一愚賢。  
視民每羨如芻狗，治國嘗思烹小鮮。  
只道牛邊休執杖，誰知琴上亦忘絃。  
湛然稍異香山老，不學空門不學仙。

西域家人輩釀酒戲書屋壁

西來萬里尚騎驢，旋借葡萄釀綠醕。  
司馬捲衣親滌器，文君挽袖自當壚。  
元知沽酒孽緣重，何奈調羹手段無。  
古昔英雄初未遇，生涯或亦隱屠沽。

西域從王君玉乞茶因其韻七首

積年不啜建溪茶心竅黃塵塞五車碧玉甌中思雪浪  
黃金碾畔憶雷芽盧仝七椀詩難得諗老三甌夢亦賒  
敢乞君侯分數餅暫教清興遶煙霞

其二

厚意江洪絕品茶先生分出蒲輪車雪花灑灑浮金葉  
玉屑紛紛碎白芽破夢一杯非易得搜腸三椀不能賒  
瓊甌啜罷酬平昔飽看西山插翠霞

其三

高人惠我嶺南茶爛賞飛花雪滿車

是日作茶會值雪

玉屑三

甌烹嫩蘂青旗一葉碾新芽頓令衰叟詩魂爽便覺紅塵客夢賒西腋清風生坐榻幽歡遠勝泛流霞

其四

酒仙飄逸不知茶可笑流涎見麴車玉杵和雲春素月金刀帶雨剪黃芽試將綺語求茶飲特勝青衫把酒賒啜罷神清淡無寐塵囂身世便雲霞

其五

長笑劉伶不識茶胡為買鍾謾隨車蕭蕭暮雨雲千頃  
隱隱春雷玉一芽建郡深甌吳地遠金山佳水楚江賒  
紅爐石鼎烹團月一椀和香吸碧霞

其六

枯腸搜盡數杯茶千卷胸中到幾車湯響松風三昧手  
雪香雷裏一槍芽滿囊垂賜情何厚萬里攜來路更賒  
清興無涯騰八表騎鯨踏破赤城霞

其七

啜罷江南一碗茶  
枯腸歷歷走雷車  
黃金小碾飛瓊屑  
碧玉深甌點雪芽  
筆陣陳兵詩思勇  
睡魔卷甲夢魂賒  
精神爽逸無餘事  
卧看殘陽補斷霞

和冲霄韻五首

垂亡聖道賴君鳴  
坎珂休嗟道不行  
須信詩魔降筆陣  
好將酒戰破愁城  
滔滔秋水如人志  
薄薄閑雲似世情  
一舉冲霄知有日  
垂天萬里看鵬程



其二

古今興廢不堪聽寵辱都如夢一驚韜畧欣然推後進  
琴書足以了餘生既知物物頭頭是誰問朝朝暮暮情  
散盡迷雲何所有一輪秋月普天明

其三

天涯索寞正窮秋衰草寒烟無盡頭葉底哀蛩空促織  
雲間征雁祇供愁酪漿滿引澆羊胛糲食隨緣薦鹿脩

試暫迴光樂真覺人間萬法一時收

秋供愁一作謾書愁

其四

星星華髮鏡中驚，好賦歸與接浙行。  
位重寧貪高一品，故園無憚遠千程。  
晴天花絡春山色，落日松和秋水聲。  
無恙閭峰三百寺，遨遊吟嘯老餘生。

其五

古木殘陽映矮崗，雁行天際寫秋光。  
霜蓑帶雨添愁色，晚菊和風送冷香。  
濁酒三年渾未試，黃糧九月得初嘗。  
龍沙且喜身强健，南望幽人天一方。

又一首

不見高陽舊酒徒  
臨風惆悵幾踟躕  
無窮真味思焦尾  
有限浮生嘆白駒  
德望服人輸二陸  
文章重世媿三蘇  
散材潦到渾無用  
空作昂藏一丈夫

和冲霄十月桃花韻二首

桃源仙子憶劉郎  
不憚嚴冬雨雪涼  
紅雨已先初夏落  
妖魂重對小春芳  
冷侵絳萼剛舒臉  
寒徹朱衣強噴香  
誰向荒園慰蕭索  
數枝無語映斜陽

其二

春生秋殺乃天常來往推遷炎與涼  
晚節正當陰氣塞窮冬忽見小桃芳  
豈知木棗能成實僭與江梅敢並香  
自媿備員調鼎鼐不知何事謬陰陽

用薛正之韻

無德慚為天下先湖山歸計好加鞭  
霜深尚有籬邊菊風勁全無葉底蟬  
三弄瑤琴歌素月一尊濁酒醉蒼烟  
鳳池分付夔龍去萬頃瀟湘屬湛然

湛然居士集卷五

謹案卷五第一頁前三行富察舊作蒲察今改




總校官進士臣胡榮

校對官原任編修臣勵守謙

校對官庶吉士臣李廷敬

謄錄監生臣于時和

謄錄監生臣陳廷桂





欽定四庫全書薈要

集部

湛然居士集卷六

七



詳校官助教臣謝登雋

欽定四庫全書薈要卷一萬六千一百八

集部

湛然居士集卷六

元 耶律楚材 撰

和景賢見寄

用劉潤之乞冠韻

西域河中十詠

西域和王君玉詩二十首以唱玄

和楊彥廣韻

題平陽李君實此君軒

西域有感

早行

自叙

西域元日

西域寄中州禪老

蒲華城夢萬松老人

寄巨川宣撫

寄南塘老人張子真

觀瑞應鶴詩卷獨子進治書無詩

寄德明

才卿外郎五年止惠一書

寄清谿居士秀玉

戲秀玉

寄張子聞

寄用之侍郎

和正卿待制韻

寄仲文尚書

雪軒老人邦傑久不惠書作詩怨之

謝王清甫惠書

思親二首

思親用舊韻二首

思親有感

再過西域山城驛

辛巳閏月西域山城值雨

十七日早行始憶昨日立春

是日驛中作窮春盤

西域蒲華城贈富察元帥

乞車

戲作二首

過太原南陽鎮題紫微觀壁三首

和松月野衲海上人見寄二首

夢中偶得

賈非熊餞余用其韻

用李德恒韻

松月老人寄詩因用元韻

和景賢見寄

龍岡叅透後三三髣髴前人何所慚妙筆照人驚老字  
新詩入手想清談塵中名利予難出夢裏榮華君不耽  
准擬歸時便歸去閭山珍重舊禪庵

珍重一作好在

用劉潤之乞冠韻

隱逸養幽慵飄蕭兩鬢蓬  
角巾折暮雨醉帽落秋風  
避暑掛石上啣杯漉酒中  
忘機任真率露頂向王公

西域河中十詠

寂寞河中府連甍及萬家  
蒲萄親釀酒杷欖看開花  
飽噉雞舌肉分飡馬首瓜  
土產瓜大如馬首人生唯口腹何礙過

流沙

其二

寂寞河中府臨流結州廬  
開尊傾美酒擲網得新魚  
有



客同聯句無人獨看書天涯獲此樂終老又何如

其三

寂寞河中府遐荒僻一隅蒲萄垂馬乳杷欖燦牛酥釀  
酒無輸課耕田不納租西行萬餘里誰謂乃良圖

其四

寂寞河中府生民屢有災避兵開邃穴防水築高臺六  
月常無雨三冬却有雷偶思禪伯語不覺笑顏開

其五

寂寞河中府，頽垣遶故城。  
園林無盡處，花木不知名。  
南岸獨垂釣，西疇自省耕。  
為人但知足，何處不安生。

其六

寂寞河中府，西流綠水傾。  
衝風磨舊麥

西人作磨風動  
機軸以磨麥

懸碓杵新粳

西人皆懸  
杵以舂

春月花渾謝，冬艸再生優。  
游

聊卒歲，更不望歸程。

其七

寂寞河中府，清歡且自尋。  
麻牋聊寫字，筆筆亦供吟。  
傘

柄學鑽笛宮門自斲琴臨風時適意不負昔年心

得故宮門

豎木三尺許斲為琴有清聲

其八

寂寞河中府西來亦偶然每春忘舊閨隨月出新年強

策渾心竹難穿無眼錢異同何定據俯仰且隨緣

西人不計

閨以十二月為歲有渾心竹其金銅芽錢無孔郭

其九

寂寞河中府聲名昔日聞城隍連畎畝市井半丘墳食

飯秤斤賣金銀用麥分生民怨來後簞食謁吾君

其十

寂寞河中府遺民自足糧黃橙調蜜煎白餅糝糖霜漱  
旱河為雨無衣壠種羊一從西到此更不憶吾鄉

西域和王君玉詩二十首以唱玄

年來深欲買湖山貧病難酬絹五千歸去不從陶令請  
知音未遇孟嘗賢排愁器具思歡伯送老生涯乏貨泉  
惟有詩魂常伴我閒吟陶寫箇中玄

其二

一髮燕然曉日邊，寒雲疊疊亂山千。  
萬里沙漠猶逢友，十室荒村亦有賢。  
留客芳尊思北海，驚人奇語憶南泉。  
思量萬事都渾錯，勉力輪鎚好叩玄。

其三

君侯乘興寫佳篇，找得瓊琚價倍千。  
妙筆一揮能艸聖，新詩獨惠過稱賢。  
半餅濁酒斟瓊筆，七椀清茶泛玉泉。  
萬里西行真我幸，逢君時復一談玄。

其四

健羨金鞍美少年  
盈門劍客列三千  
須知執德元非德  
況是無賢敢自賢  
不解彎弓射石虎  
誰能擊劍躍飛泉  
黑頭勲業今何在  
壯歲功成愧謝玄

其五

雲龍相感本乎天  
會合君臣歲一千  
西伯已亡誰老老  
卜商何在肯賢賢  
鷄鷄未必輕  
豺鼠蚯蚓猶知下  
飲泉巧拙是非無  
定據到頭誰解辨  
黃玄

其六

奔走紅塵積有年，深思雪澗竹竿千。  
誰能世上全三樂，好向林間伴七賢。  
筆下風生詩似錦，瓮頭春漲酒如泉。  
詩成酒罷寂無事，靜几明窓誦太玄。

其七

竹徑風來自破禪，脩篁青劍葉垂千。  
爛吟風月元無礙，高臥煙霞未是賢。  
迷處無由逃絆鎖，悟來何處不林泉。  
縱橫觸目皆真理，坐臥經行鳥路玄。

其八

無滅無生不論年誰誇桃結歲三千休將真宰陪司命

星名莫使明星動進賢星名有道不妨居鬧市無心奚礙酌

貪泉何能遠避塵囂去且向人間養素玄

其九

從他豪俊領時權指顧貔貅數百千碌碌餘生甘養拙  
明明聖代豈遺賢且圖混世啜漓酒勿謂濯纓棄濁泉  
莫道無為云便了有為何處不逢玄



其十

浮生瞬息度流年唐漢興亡不半千  
清潔採薇輸二子英雄濟世有三賢  
未能海上尋芝艸且向塵中泛醴泉  
醉興陶陶略相似無何鄉裏亦通玄

十一

成敗興亡事可憐勞生攘攘幾千千  
調心莫若先離欲治世無如亟尚賢  
小褚豈能懷大器短繩那得汲深泉  
直須箭透威音外不用無為不用玄

十二

得得清歡樂自然不辭去國客程千翻騰舊案因君玉  
唱和新詩有景賢每遇開尊邀素月常因盥手掬寒泉  
衰翁自揣何多幸未死中間樂此玄

十三

幾回午枕不成眠幽鳥關關近數千安世不知安世計  
隱居常慕隱居賢幾行石榻圍松徑一簇茅齋繞澗泉  
掛起西軒風似水閒將穢易索幽玄

十四

農隱生涯樂自天  
藥畦香壠僅盈千  
蠅營累世真堪笑  
狗苟勞生未若賢  
帶月扶犁耕暮野  
衝雲荷插撥春泉  
耔耘餘暇蓬窻底  
獨抱遺經考至玄

十五

閑閑箇事本明圓  
一念纔興路八千  
生死既知皆是幻  
功名猶戀豈能賢  
興來暢飲斟晴月  
醉後高歌枕碧泉  
觸處逢渠何所礙  
不玄玄處却玄玄

十六

物物頭頭總是禪  
觀音應現化身千  
杜門宴坐無傷道  
遊世幽居也是賢  
祇為看山開翠竹  
偶因煎茗汲清泉  
靈雲點檢真堪笑  
不見桃花不悟玄

十七

蓑衣狂脫暮江邊  
一醉寧論價十千  
老矣馮唐何所在  
歸與陶令最為賢  
靈苗細細初盈圃  
春水涓涓漸滿泉  
酒醒夢迴無箇事  
澄心忘慮體三玄

十八

九重閭闔列羣官  
曳珮鳴珂及萬千  
雲水偷將屬野叟  
功名廻施與時賢  
好憑定慧超三界  
不戀輪廻沒九泉  
迅速光陰莫虛度  
迴光返照靜叅玄

十九

不學經書不說禪  
誰論芥子納三千  
忘形詩句追先覺  
適意琴書慕昔賢  
白雪陽春吟雅調  
高山流水奏鳴泉  
平生受用元無盡  
叅透真空未是玄

二十

鮪生詩癖慕詩仙

玉謂君也

亂綴狂吟數百千淺陋妄言嗤

後哲清新綺語媿先賢  
摧殘吟鬢星星髮傾倒詞源渾  
渾泉韻險言窮無可說  
祇憑此句露深玄

和楊彥廣韻

三臺須要趁琵琶  
知己相逢兩會家  
雕斲勿傷石內玉  
縱橫須放火中花  
探玄渾似三杯酒  
清興何消七椀茶  
誰識湛然端的處  
差徭隨分納些些

題平陽李君實此君軒

環榻森森蔭好涼此君風味詎能忘  
虛心悄悄生來勁直節亭亭老更剛  
雖與蓬蒿均雨露本同松菊傲風霜  
主人雅志元堪尚物以羣分類以方

西域有感

落日城頭鴉亂啼秋風原上馬頻嘶  
鴈行南去瀟湘北萍跡東來鳥鼠西  
百尺棟梁誰着價三春桃李自成蹊  
功名到底成何事爛飲玻璃醉似泥

早行

馬駝殘夢過寒塘  
低轉銀河夜已央  
鴈跡印開沙岸月  
馬蹄踏破板橋霜  
驅寒卯酒兩三盞  
引睡新詩四五章  
古道遲遲四十里  
千山清曉日蒼涼

自叙

信流乘坎過西天  
鉢裏吞針亦偶然  
只道一花剛點額  
不知二子暗登肩  
既來此世難逃數  
且應前生未了緣  
俗眼見時難放過  
并賊陳首萬松軒



西域元日

凌晨隨分備樽壘辟瘟屠蘇飲一盃迂叟不令書鬱壘  
癡兒剛要畫鍾馗新愁又逐東風至舊信難隨春日來  
又向邊城添一歲天涯飄泊幾時回

西域寄中州禪老

恨離師太早淘汰未精起乳慕之念作是詩以  
寄之

吾師道化震清都奔逸絕塵我不如近日虛傳三島信

幾年不得萬松書宗門淘汰猶嫌少習氣薰蒸尚未除  
惆悵天涯淪落客臨風不是憶鱸魚

蒲華城夢萬松老人

辛巳閏月蒲華城夢萬松老人法語諄諄覺而猶  
見其髣髴作詩以寄

華亭髣髴舊時舟又見吾師釣直鉤只道夢中重作夢  
不知愁底更添愁曾參活句垂青眼未得生侯已白頭  
撇下塵囂歸去好誰能騎鶴上揚州

寄巨川宣撫并序

巨川宣撫文武兼資詞翰俱妙陰陽歷數無所  
不通嘗舉法界觀序云此宗門之捷徑也今觀  
瑞應鶴詩巨川首唱焉嘆其多能作是詩以美  
之

歷數興亡掌上看提兵一戰領清官馬前州詔珠璣潤  
紙上揮毫風雨寒昔日談禪明法界而今崇道倡香壇  
諸行百務君都占潦倒鰕生何處安

寄南塘老人張子真

張侯風味詎能忘黃米曾令我一嘗

昔予馳驛至漁陽道過南塘子真名

予一設黃飯

抵死解官違北闕達生遯世釣南塘知來何假

靈龜兆

昔論運氣頗知未來事

作賦能陳瑞鶴祥豈是西邊無土

物不如詩句寄東陽

觀瑞鶴詩卷獨子進治書無詩

丁年蘭省識君初緩步鳴珂遊帝都象簡嘗陪天仗立  
玉驄曾使禁臣趨只貪殢酒長安市不肯題詩瑞應圖

我念李侯端的意大都好事不如無

寄德明

德明寓燕作詩欲自絕且云但得為一飽  
死鬼足矣士大夫憐之其詩末句有云功名  
拍手笑殺人四十八年如一夢予每愛此兩句  
近觀彌勒下生賦德明所作也因作詩以寄  
之

英雄志節本凌雲尚自飄零故國塵有道且同麋鹿友

談玄能說虎狼仁幸然不作飽死鬼可惜空吟笑殺人

彌勒下生何太早莫隨邪見說無因

楞迦經第十卷云  
未來世有人噉糠

愚癡種無因而非見破  
壞世間人故有是句

### 才卿外郎五年止惠一書

五年只得一書題路遠山長夢亦迷睡老黑甜酣順北

公詩中自云耽睡老  
有燕南順北之句

冷官清淡泊遼西

遼西故都  
之西也

美人

得志能如虎笑我乏材粗傲鷄佇看天兵旋北闕從今

不用玉泥關

寄清谿居士秀玉

鷓鴣猶欠一枝栖不得  
燕山半土犁時復有琴歌  
碧玉年來無夢遠  
清谿數行文字聊遮眼  
半紙功名若噬臍  
回首故人今健否  
餘生甘老碧雲西

戲秀玉并序

辱書聞秀玉油房蕭索  
馬溺衛死田畝水災不  
勝感嘆清谿達士豈芥  
蒂胸中邪因作詩以戲  
之

清谿掀倒打油房五衛凋零三徑荒未信塞翁嗟失  
馬須知禦寇覓亡羊東湖菡萏從君賞西域蒲萄輸  
我嘗各在天涯會何日臨風休忘老髯郎

清谿嘗戲  
呼子為髯

郎

### 寄張子聞

憶昔攜琴論太玄

渠通太  
玄經

湛然初識子聞賢迴頭葱嶺

仍千里分手松軒已五年

嘗會萬松  
老人入室

東望盧龍傾玉表

西來青鳥闕金牋幾時重會燕山道一曲臨風奏水仙



子彈水仙  
公嘗學之

寄用之侍郎并序

用之侍郎携書誠以無忘孔子之教予謂窮理盡  
性莫尚佛乘濟世安民無如孔教蓋用我則行宣  
尼之常道舍我則樂釋氏之真如何為不可也因  
作詩以見意云

蓬萊憐我寄芳牋勸我無忘仁義先幾句良言甜似蜜  
數行溫語暖於綿從來誰識龜毛拂到底難調膠柱絃

用我必行周孔教  
舍予不負萬松軒

和正卿待制韻

布袖龍鍾兩眼塵  
丹成如舊白頭新  
暮雲西畔猶懷漢  
曉日東邊纔是秦  
酒賤不妨連夜醉  
花繁長發四時春  
花繁酒賤無佳思  
誰念天涯萬里人

寄仲文尚書

知仲文尚書投老而歸  
嘆其清高作詩以寄

仲文曾作黑頭公  
輔弼明時播美風  
治粟貨泉流冀北

提刑姦跡屏膠東笑觀桃李新恩徧拜掃松楸老計終  
西域故人增喜色萬全良策不謀同

雪軒老人邦傑久不惠書作詩怨之

當時傾蓋便忘年別後春風五度遷萬里西行愁似海  
千山東望遠如天不聞舊信傳梅嶺試道新詩怨雪軒  
更上危樓一迴首朝雲深處是燕然

謝王清甫惠書

西征萬里扈鑾輿高閣文章東石渠只道昔年周夢蝶

却疑今日我為魚一簪華髮垂垂老兩眼黃塵事事疎  
多謝貴人憐遠客東風時有寄來書

思親二首

孀母琴書老自娛吾山側近結蘧廬鬢邊尚結辟兵髮  
昔予從征太夫人以髮少許賜予云俗傳父母之髮戴之可辟五兵今尚存焉篋內猶存教子

書幼稚已能學土梗老兄猶未憶鱸魚誰知萬里思歸  
夢夜夜隨風到故居

其二

昔年不肯臥茅廬贏得飄蕭兩鬢疎  
醉裏莫知身似蝶  
夢中不覺我為魚  
故園屈指八千里  
老母行年六十餘  
何日掛冠辭富貴  
少陵佳處卜新居

思親用舊韻二首

前年驛騎過西陲  
聞道萱堂鬢已絲  
琴斷五弦忘舊譜  
菊荒三徑負疎籬  
筵前戲笑知何日  
膝下嬉遊看幾時  
欲附一書無處寄  
愁邊空詠滿囊詩

其二

天涯唯仗夢魂歸  
破夢春風透客幃  
燈下幾時哦麗句

太夫人昔有詩云挑燈教子  
哦新句冷淡生涯樂有餘

筵前何日舞斑衣  
垂垂塞

北行人老得得江南遠  
信稀回首故園千萬里  
倚樓空望白雲飛

### 思親有感

骨肉星分天一涯  
萱堂何處憶孤兒  
排愁正賴無聲樂  
遣興學吟有眼詩  
麗句日逐三上爾  
香醪時復一中之  
年前漢使來西域  
笑我星星兩鬢絲

再過西域山城驛

庚辰之冬馳驛西域過山城驛中辛巳暮冬再過  
題其驛壁

去年馳傳暮城東夜宿蕭條古驛中別後尚存柴戶棘  
重來猶有瓦窻蓬主人歡喜鋪毛毯驛吏倉忙洗瓦鍾  
但得微軀且強健天涯何處不相逢

辛巳閏月西域山城值雨

冷雲攜雨到山城未敢衝泥傍險行夜聽窻聲初變雪

曉窺簷溜已垂冰，淚凝孤枕三停濕。  
花結殘燈一半明。  
又向茅亭留一宿，行雲行雨本無情。

十七日早行始憶昨日立春

客中為客已浹旬，歲杪西邊訪故人。  
杞欖花前風弄麥，葡萄架底雨沾塵。  
山城腸斷得窮臘，村館魂銷偶忘春。  
今日喚回十載夢，一盤涼餅翠蒿新。

是日驛中作窮春盤

昨朝春日偶然忘，試作春盤我一嘗。  
木桺切開銀線亂，



砂瓶煮熟藕絲長勻和豌豆揉葱白

西人薰餅必投以豌豆

細剪

萋蒿點韭黃也與何曾同一飽區區何必待膏粱

西域蒲華城贈富察元帥

騷人歲杪到君家土物蕭疎一餅茶相國傳呼扶下馬  
將軍忙指買來車琉璃鍾裏葡萄酒琥珀瓶中杞欖花  
萬里遐荒獲此樂不妨終老在天涯

將軍乃元帥子也

乞車

君家輪扁本多能碧軾朱轅照眼明居士此迴無馬坐

郎官不可輒徒行陳遵投轄情何厚  
將行又留連數日靈輒扶  
輪報敢輕別更不須尋土物載將春色去東城

戲作二首

蒼顏太守領西陽招引詩人入醉鄉  
屈絢輕衫裁鴨綠葡萄新酒泛鶯黃  
歌姝窈窕髯遮口舞妓輕盈眼放光  
野客乍來同見慣春風不足斷人腸  
一種白葡萄酒色如金波

其二

太守多才民富強光風特不讓蘇杭  
葡萄酒熟紅珠滴

杞欖花開紫雪香異域絲篁無律呂吳姬聲調自宮商  
人生行樂無如此何必咨嗟憶故鄉

過太原南陽鎮題紫微觀壁三首

廷臣侍從蔑前驅道侶忻奔迓使車縣吏喜聞新號令  
村民爭認舊中書纍纍山果盈磁鉢薄薄濁醪半瓦壺  
隱逸競詢新事跡幾時遷洛卜新都

其二

吾皇巡狩用三驅萬騎千官奉帝車北闕春頒勸農詔

南陬夜奏報捷書士民安堵耕盈野老幼迎郊漿滿壺  
佇看要荒歸一統天兵不日破東都

其三

三教根源本自同愚人迷執強西東南陽笑倒知音士

反改蓮宮作道宮

紫微觀舊佛寺也村人改  
佛像為道像故有是句

和松月野衲海上人見寄二首

游子癡愚莫識家牛車遠棄愛羊車汪洋渤海龍宮藏  
涓滴波瀾坎井蛙迷後萬言猶是少悟來千里不為賒

叢林衲子空行脚  
遠徧天涯與海涯

其二

小隱居山何太錯  
居鄜大隱絕憂樂  
山林朝市笑呵呵  
為報禪人莫動着

夢中偶得 并序

庚辰正月夢旃檀剎澄公託萬松老人乞算籌於  
予予以九十一莖贈之仍作頌一絕覺而猶憶遂  
錄之為他日一笑云

昔年鈎隱索幽奇，只向縱橫枝上覓。而今拍手笑呵呵。

九九元來九十一

仍囑附頌者云：若澄公道何不云八十一。汝但應云：果然果然。拂袖使出。

覺而自著語云：幾日昏沉夢中挫五。

### 賈非熊餞余用其韻

鑿轡和鳴車指南，廷臣自愧侍龍驂。平生慷慨貞夫一，  
萬里別離益友三。老子此行無酒債，故人歸計有禪庵。  
白雲野衲皆宗匠，道眼因緣好細忝。

### 用李德恒韻

吾子棲遲尚布衣挑燈彈鋏壯歌悲阮生固已開青眼  
馬氏元來有白眉運拙巢由真可慕時亨房杜不難為  
男兒用舍奚憂喜三徑耕耘足自資

松月老人寄詩因用元韻

談禪講教不知家芳州漫漫去路差杓卜虛聲禾老鼓  
盤星錯認洞山麻全無去就論空色誰有心情說照遮  
松月野僧須薦取釣魚人是老玄沙

湛然居士集卷六

欽定四庫全書薈要卷一萬六千一百九

集部

湛然居士集卷七

元 耶律楚材 撰

用李邦瑞韻

寄平陽淨名潤老

和鄭景賢韻

和李茂才寄景賢韻

除戎堂

寄武川摩訶院圓明老人五首



和李漢臣韻四首

和北京張天佐見寄

戊子繼武川劉搏霄韻

憩解州邵薛村洪福院

邵薛村道士陳公求詩

過金山和人韻三絕

謝王巨川惠臘梅因用其韻

和王巨川題武成王廟

又用韻

又一首

和景賢七絕

又和四絕

和景賢二絕

和高冲霄二首

過天山和上人韻二絕

過覃懷二絕

王屋道中

過天德用遷上人韻

贈遼西李郡王

題張道人扇二首

題古并覃公秀野園

題昭上人松菊堂

題平陽劉子寧玄珠堂

題誌公圖

題黃公墨竹便面

請住東堂

請倪公

請照老住華塔

華塔照上人請為功德主

請嵩公禪師詣天德作水陸大會

和賈搏霄韻二絕

和高麗使三首

夢中偶得

和武善夫韻二首

題寒江接舫圖

題黃梅出山圖

夢中贈聖安澄老

跋定僧嵩

詠探春花用高冲霄韻

寄休林老人

過濟源登裴公亭用閑閑老人韻四絕

再用前韻

復用前韻

再和西庵上人韻

請真老住華塔

請王公住太原開化

和薛伯通韻四絕

和松菊堂主人照老見寄三詩

洞山五位頌

太陽十六題

西域嘗新瓜

天德海上人寄詩用元韻

寄白雲上人用舊韻

武川摩訶院請為功德主

和房長老二絕

過平陽高庭英索詩強為一絕

用李邦瑞韻

沉沉北海雪波深老眼增明寸碧岑未得一江活物水  
何酬四海望雲心我生有遇千年會自愧難為三日霖  
吾子佞然虛讚德臨風羞繼謫仙吟

寄平陽淨名潤老

驛騎新從平水迴知公無恙笑顏開出門不剪閒庭艸  
退步從生古殿苔玉鎖何須拴彩鳳金鈎毋得釣黃能  
夜深織就無紋錦但有人來寄箇來



和鄭景賢韻

我愛龍崗老鳴琴自老成未彈白雪曲先愛水仙聲但  
欲合純古誰能媚世情林泉聊自適何必獻承明

和李茂才寄景賢韻

醒時還醉醉還醒尚憶輪臺飲興清瀚海波濤君忍聽  
天山風雪我難行好學慷慨英雄操毋效辛酸兒女情  
但得胸中空灑灑天涯何處不安生

除戎堂并序

王師西征賢帥賈公留後於雲內築除戎堂於城  
之西阿以練戎事禦武折衝高出前古子道過青  
塚公召予宴於是堂鴻筆大手題詩洒墨錯落於  
楹棟間皆讚揚公之盛德予因作二詩以陳其梗  
槩云

除戎堂主震威名一掃妖氛消未萌不出戶庭成廟筭  
折衝樽俎有奇兵何須公瑾長江險安用蒙恬萬里城  
坐鎮大河兵偃息居延不復塞塵驚

其二

除戎廳事築城阿烽火平安師旅和遠勝長城欺李勣  
徒標銅柱笑伏波服心不用七擒策禦侮何勞三箭歌  
高枕幽窻無一事西人不敢牧長河

寄武川摩訶院圓明老人五首

臨行不暇別圓明禪客機關百變生明月清風都不會  
落花流水兩無情只知嘗謁摩訶院誰道曾離歸化城  
賓主相忘非聚散笑談松竹自清聲

其二

新詩入手眼增明老作機鋒太峻生畧序寒溫閒禮數  
過承褒賞假人情羨君奮迅超真地笑我徘徊戀化城  
且喜武川歸海若狂流萬派盡消聲

其三

我愛圓明道眼明簡書時復寄鯁生談真辨忘輸達士  
背正歸邪笑世情且隱驪珠光萬丈奚貪尺璧價連城  
穹廬高枕無餘事靜聽潮轟北海聲

其四

歸與不得效淵明細碎功名誤此生  
客裏政如閒氣味  
病來猶有好心情  
冰絲罷品昭君曲  
醉墨閒題蘇武城  
受用觀音法無盡悲笳風送兩三聲

其五

一扇儒風拂日明  
舍生從此樂餘生  
高人編簡尋長味  
衲子林泉稱野情  
見道穀帛充廩藏  
喜聞流散集京城  
自慚無德毗明主  
千里虛名浪播聲

和李漢臣韻四首

夢中身世鬢垂斑  
方士從誇藥駐顏  
性海一波含萬象  
威音雙箭透重關  
圓融月水非生滅  
浩渺虛舟任往還  
便好灰心養愚拙  
須知大智本閒閒

其二

飛龍登九五  
歷數與天膺  
休運綿瓜瓞  
功臣列土封  
但期酬子志  
奚慮枕吾肱  
千載聖人出  
休嗟見有恒

其三

雲中棲隱養雄豪我愛先生一着高  
鼓腹詩鳴光聖世  
雄文端可繼離騷

其四

龍庭十載不知疲自恨無才出六奇  
欲著涓埃裨海嶽  
虛名閭譽畏人知

和北京張天佐見寄

寓跡龍庭積有年功名已後祖生鞭  
銷金粟口嫉居士  
好事獨君慕湛然許遠雲山分袂別  
幾時風雨對床眠

瓊華贈我將何報聊寄江南古樣絃

戊子繼武川劉搏霄韻

不得吾山臥翠霞西行行遍海之涯火風地水雖非我  
南北東西總是家驛騎親馳涉弱水星軺躬駕過流沙  
唯期聖德漸遐邇不憚龍庭萬里賒

憩解州邵薛村洪福院

天兵南出武陽東暫解征鞍憩梵宮玉像巍巍紅葉捧  
金容奕奕碧紗籠三秦繁盛如席卷兩晉風流掃地空



唯有真如元不壞青山依舊白雲中

邵薛村道士陳公求詩

玄言聖祖五千言不說飛昇不說仙燒藥煉丹全是妄  
吞霞服氣苟延年須知三教皆同道可信重玄也是禪  
勘破異端何足慕紛紛皆是野狐涎

過金山和人韻三絕

金山突屹翠霞高  
清賞渾如享太牢  
半夜穹廬伏枕臥  
亂雲深處野猿號

其二

金山前畔水西流  
一片晴天萬里秋  
蘿月團團上東嶂  
翠屏高掛水晶毬

其三

金山萬壑鬪聲清  
山色空濛弄晚晴  
我愛長天漢家月  
照人依舊一輪明

謝王巨川惠臘梅因用其韻

雪裏冰枝破冷金  
前村籬落暗香侵  
令人多謝王公子

分惠幽芳寄好音

和王巨川題武成王廟

商辛自底滅亡期堡障全空聚蠶絲誰識華山歸馬日  
易於渭水釣魚時

又用韻

不遇知音鍾子期逢人未敢理冰絲年來忘盡悲風操  
空憶傷麟嘆鳳時

又一首

今年扈從入西秦山色猶如昔日新詩思遠隨秦嶺鴈  
征衣全染灞橋塵含元殿壞荆榛古花萼樓空草木春  
千古興亡同一夢夢中多少未歸人

和景賢七絕

一曲悲風和子彈穹廬聊復助清歡自慚未盡桐君趣  
老境方知道愈難

其二

龍庭十載典南訛再品朱絃韻未和美渾千鍾聊當酒

純音三弄且充歌

其三

今日邊城又見君  
試彈流水熱梅魂  
聲和塞色金徽潤  
香散穹廬玉鼎溫

其四

雅操真堪坐廟堂  
積年仁義佐賢王  
鳴琴談笑澤天下  
始信斯文天不亡

其五

桐孫元採嶧陽林萬里携來表素心聊爾贈君為土物  
也教人道有知音

其六

年來衰老四旬餘願與人間萬事疎惟有琴魔降不得

鳴球憂玉澈清虛

一作算來心地未清虛

其七

知音重遇已忘憂况復邊山七月秋聯句絃歌清夜樂  
人生適意亦何羞

又四絕

年來世事已參商  
但有聲塵尚未忘  
若向琴中定優劣  
龍崗錯認老髯郎

其二

撫弄桐君樂自然  
寥寥古意詎容傳  
伯牙點檢真堪笑  
不遇知音便絕絃

其三

幽人寥落思無窮  
付與軒昂一曲中  
欲罷不能行且止

泣麟嗟鳳鼓悲風

其四

接得新詩想咳談奇才獨步斗之南縱橫風月輸君手  
惟有枯禪不許參

和景賢二絕

嘗許景賢黃華墨跡景賢寄詩督予因和其韻以戲之

醉時還許醒時無諺有斯言正謂予未得素鷲白似雪  
等閒難與右軍書

其二



龍崗才德古來無敏捷新詩正起予詞翰雙全妙天下  
銀鈎深似魯公書

和高冲霄二首

十里東風渭水春臨風酬月弔英魂直須立事書麟閣  
何必題詩寄鴈門

其二

翠華南渡濟蒼生垂老將觀德化成昨夜行宮傳好語  
秦川州木也忻榮

過天山和上人韻二絕

從征萬里走風沙  
南北東西總是家  
落得胸中空索索  
凝然心似白蓮花

其二

一入空門我暢哉  
浮雲名利已忘懷  
無心對鏡誰能識  
優鉢羅花火裏開

過覃懷二絕

十年寥落隱穹廬  
驛使空來好信無  
再過覃懷覓陳迹

冰魂無恙影扶疎

其二

信斷江南望驛塵十年辜負嶺頭春而今重到覃懷地  
却與梅花作主人

王屋道中

雪嶺風林渡古關畫圖曾見晉名賢而今好倩丹青手  
添我龍鍾一湛然

過天德用遷上人韻

行盡中原二百州  
黃能往往不吞鉤  
而今再出天山道  
收拾綸竿北海遊

贈遼西李郡王

我本東丹八葉花  
先生賢祖相林牙  
而今四海歸皇化  
明月青天却一家

題張道人扇二首

誰裁雲扇綴春機  
招引微涼枉費工  
何似踏開真境界  
普天匝地起清風

其二

真空境界本如如  
病眼生花認畫圖  
至道絕形剛著面  
太虛無面更添鬚

題古并覃公秀野園

流水潛穿屋下籬  
青山屋下數峯奇  
佳園已有溫公句  
何必裴公更寫詩

題昭上人松菊堂

晴烟蒼節出墻斜  
日黃華隔檻明  
松菊尚存歸未得

湛然真箇大憨生

題平陽劉子寧玄珠堂

玄珠失却已多時縱使離婁枉用眉誰識這些關捩子  
再三撈撓始應知

題誌公圖

昔傳難貌誌公真我道斯言尚未親剎剎塵塵無處避  
丹青也是本來人

題黃山墨竹便面

黃山落筆露全機  
底箇團圓太崛奇  
點破本來真面目  
何妨節外更生枝

請住東堂

雲中豪俊構東堂  
便請禪師早發裝  
自有東山鐵餒餒  
不妨拈出大家嘗

請倪公

倪公本是我同參  
道價崢嶸冠斗南  
千里雲山舊遊地  
何妨杖錫住西庵

請照老住華塔

華塔當年隱蟄龍  
轟雷掣電滿雲中  
而今却請還山去  
折脚鐺邊煮曉風

華塔照上人請為功德主

晉陽名利僅千區  
華塔叢林冠一隅  
今日請予來領畧  
他年乞我一禪廬

請嵩公禪師詣天德作水陸大會

禪師久住賀蘭山  
心與白雲自在閒  
便好因風到人世



化為甘露滿人間

和賈搏霄韻二絕

舉世昏昏似醉眠  
悲哉不肯救頭然  
祖師點破新關捩  
直指人心教外傳

其二

西庵談道頓忘眠  
今日相逢亦偶然  
欲問瞿曇端的處  
燈籠露柱却能傳

和高麗使三首

神武有為元不殺寬仁常媿數興戎仁綏武震誠無敵  
重驛來王四海同

其二

揚兵青海西涼滅渡馬黃河南汴空百濟稱藩新內附  
馳軺來自海門東

其三

壯年吟嘯巢由月晚節吹噓堯舜風兩鬢蒼蒼塵滿眼  
東人猶未識髯公

夢中偶得

我愛湖山好茅齋遠澗泉道人閒受用不使半文錢

和武善夫韻二首

佐主焦勞力已殫微才安可濟時難開樽北海希文舉  
携妓東山笑謝安雨露新恩君責重桑榆老境我年殘  
何時致政閭山去三逕依然松菊寒

其二

秋霖初霽覺新涼午夜東山月吐光翠竹無心甘晚節

黃花有意助年芳  
忠誠自許一心赤  
老境誰憐兩鬢霜  
遙憶吾山歸未得  
故人書簡怨東陽

題寒江接舫圖

一派瀟湘萬里山  
閒騎凍鬪點江天  
風帆雪棹知多少  
認取華亭沒底船

題黃梅出山圖

祖佛不識山中主  
良才可惜遭斤斧  
肩擔明月過前峰  
一時忘却曹溪語

夢中贈聖安澄老

一束三人作一團了無前後亦無偏幾乎笑殺龐居士  
擬問如何便著拳

跋定僧高

玉宮三尺碧玲瓏入定僧迷一色功打入無明山鬼窟  
不知何日透真空

詠探春花用高冲霄韻

風拂新芳映短牆典刑依約類丁香梅花欲謝渠先坼

消得東君為汝忙

寄休林老人

一禪客論洞山公案渠謂洞山果有喫棒分因作頌以寄之

世上元無真是非叢林禪客自多疑此詩寄向并州去  
笑倒休林老古錐

過濟源登裴公亭用閑閑老人韻四絕

一抱青山插碧空平湖春水碧溶溶裴公亭畔干竿竹  
撩我詩情得得濃

其二

珍玉參差照座寒  
閑閑佳句繼香山  
有樂天詩  
碑在焉  
揆真堪笑也  
敢題詩列壁間  
湛然不

其三

繞垣喬木碧天參  
松竹蕭蕭翳鏡潭  
他日携琴來隱此  
林間乞我一禪庵

其四

碧湖風定水痕平  
雪竹幽禽自好聲  
我羨清源高隱士  
干戈人世不知兵

再用前韻

山接晴霄水浸空  
山光灩灩水溶溶  
風迴一鏡揉藍淺  
雨過千峰潑黛濃

其二

掀髯坐語閒臨水  
仰面徐行飽看山  
竹裏忽聞春雪落  
天教著我畫圖間

其三

侍中庵底春山色  
裴老亭邊秋水聲  
脩竹茂林真隱地



但期天下早休兵

其四

劫外玄機好細參  
他年卜築遶澄潭  
琴書活計無多子  
祇與龍崗共一庵

復用前韻

水影連天天渺渺  
山光和水水溶溶  
一林脩竹搖雲碧  
百畝涼陰蔽日濃

其二

門外回環皆碧水亭中坐臥得青山  
凭欄晝日搜新句  
思入烟霞縹緲間

其三

幾時投老謁同叅擬向君王乞鏡潭  
飯了遨遊容膝處

裴公亭與侍中庵

一作爛賞裴公亭畔  
竹歸來容膝侍中庵

其四

四海干戈尚未平不如歸隱聽歌聲  
情知文武都無用  
罷讀詩書不學兵

再和西庵上人韻

不在尋求不在叅誰分西北與東南雲川試入西庵去  
三聖元來共一庵

請真老住華塔

華塔叢林久席虛真公子請肯來無湛然拙偈呈君去

便好携瓶倒上

廬一作笑倒當  
年十萬夫

請王公住太原開化

大愚不了戾兒孫開化重興政賴君便請踏開關揆子

何妨地炙與天薰

和薛伯通韻四絕

黃花紅葉滿秋山  
月浸銀河夜未闌  
寂寞梧桐深院落  
有人何處倚欄杆

其二

碧山粧點塞天秋  
老盡黃花蝶也愁  
拚醉東籬顛倒舞  
人間富貴一蜃樓

其三

衰年且喜志微伸  
鏡裏驚看白髮新  
何日得遊雲水去  
秋江鷗鷺淡相親

其四

虛名羈我未能歸  
羞見冥冥一鴈飛  
拜掃松楸定何日  
不堪雙淚對君揮

和松菊堂主人昭老見寄三詩

松菊堂中老故人  
芝眉重謁我無因  
林松老節應依舊  
籬菊寒英又一新

其二

晉陽相遇亦前因  
分手歸來迹已陳  
松菊幽堂應冷淡  
與君同話更何人

其三

俊老茶毗四十年前  
身是我誤相傳  
香山聲價喧天下

爭似衰翁不會禪

來詩謂予香山俊老之後身故以此解嘲云

洞山五位頌

正中偏

十月澄江徹底水梅花江路破瑤英寒齋冷坐無人寐  
雪映書窻一夜明

偏中正

區區遊子困風塵就路還家觸處真芳艸滿川桃李亂  
風光全是故園春

正中來

石女翩翩鳥道飛淵明琴上撫冰絲緩歌劫外陽春曲  
慢舞盤中白雪詞

兼中至

涇渭同流無間斷華夷一統太平秋而今水陸車舟混  
何礙水人跨火牛

兼中到

水窮山盡懸崖外海角天涯雲更遮撒手轉身人不識  
迴途隨分納些些

太陽十六題

識自宗



拈花老子徒饒舌  
面壁胡僧太賺人  
更著洞山行過水  
吾宗從此永沉淪

死中活

百尺竿頭須進步  
無明鬼窟好抽身  
寒灰定爆真奇味  
枯木花開別是春

活中死

韶老須彌論過失  
盧陵米價認商量  
可憐一粒靈丹藥  
嚥下喉嚨命已亡

不落死活

白雲深處有滄波  
半醉微醒哭更歌  
孤艇往來無繫絆  
陰晴天氣曝漁蓑

背捨

人亡家破更何依  
退步懸崖撒手時  
去歲生涯無寸土  
今年活計更亡錐

不背捨

通方大隱好居鄣  
手段能如火裏蓮  
九陌香塵烏帽底

一篙春水白鷗前

活分

垂衣端拱媿佳兵  
文化優游致太平  
昨夜濛濛春雨足  
松筠花艸一時榮

殺人劍

雪刃森森倚碧雲  
佛魔凡聖摠亡魂  
水乾滄海魚龍死  
火烈崑崗玉石焚

平常

寒來向火被添綿夏月臨風使扇便渴飲饑食隨分過  
閒中打坐困時眠

利道拔生

箇箇既知迦葉富人休怨釋迦怪破鐺煮得空華實  
甌裏盛將鐵漢食

言無過失

元知舌上無橫骨須信喉中有轉關喚鼈為龜人不肯  
直教迦葉也眉攢

透脫

瀟湘一片蘆花秋雪浪銀濤無盡頭何處漁歌發清響  
鷺鷥飛出白汀洲

透脫不透脫

重陽九日菊花新妙契忘言不犯春收得安南憂伐北  
不知何日得通津

稱揚

從來箇事不囊藏刹刹塵塵為舉揚近日令嚴誰敢犯

不教奪市與攬行

降句

鷲嶺默然全是影毗耶杜口本非真燈籠露柱呵呵笑  
誤殺浮生多少人

又

踈山住住莫怱怱龍牙且無祖師意須信樸牛另有方  
不犯鋒銜震天地

方又圓

破船折棹殘蓑笠石女直鉤波上月方士徒誇鐵作金  
道人祇要金成鐵

西域嘗新瓜

西征軍旅未還家六月攻城汗滴沙自愧不才還有幸  
午風涼處割新瓜

天德海上人寄詩用元韻

知子無心謁五侯浮生富貴豈能留華亭夜靜西風軟  
萬頃蒼波浸月鉤

寄白雲上人用舊韻

上人別後未能參一首新詩自北南  
蕭寺深沉香火冷  
白雲閑鎖舊禪庵

武川摩訶院請為功德主

昔日南遊又五春  
馬蹄踏遍武川塵  
而今却到經行處  
且與摩訶作主人

和房長老二絕

只識瓶盤不識金  
瓶盤釵釧本真金  
一從打破疑團後



物物頭頭總是心

又


生死與涅槃都如昨夢耳覺後笑呵呵無彼亦無此

過平陽高庭英索詩強為一絕

秋色滿東籬鴈字行行自寫悲試問省庵何所省

黃花紅葉總堪詩

湛然居士集卷七



總校官進士 臣 胡 崇

校對官庶吉士 臣 李廷敬

謄錄監生 臣 陳廷桂